



COMUNA DI SASSARI

REGURAMENTU PA' L'EREZIONI DIRETTA DI LU PRESIDENTI E DI LU CUNSIGLIU DI LA MUNICIPALIDAI DI LA NURRA

INDICE

Arthricuru 1 - <i>Oggettu</i>	Pag. 3
Arthricuru 2 - <i>Requisiddi pa' l'erektoraddu attibu e passibu</i>	Pag. 3
Arthricuru 3 - <i>Sisthema erettorari</i>	Pag. 3
Arthricuru 4 - <i>Ischeda di votazioni</i>	Pag. 5
Arthricuru 5 - <i>Modariddai di eppressioni di lu votu - votu di preferenzia</i>	Pag. 5
Arthricuru 6 - <i>Dipposizioni sobbra la duradda in carrigga e l'iscioglimentu di lu Cunsigliu di la Municipariddai</i>	Pag. 7
Arthricuru 7 - <i>Noimi sobbra li candidadduri</i>	Pag. 7
Arthricuru 8 - <i>Documenti pa' la prisintazioni di li candidadduri</i>	Pag. 8
Arthricuru 9 - <i>Prisintazioni candidadduri e documentazioni reratiba</i>	Pag. 10
Arthricuru 10 - <i>Cumprobi di regurariddai e inammissibiriddai</i>	Pag. 10
Arthricuru 11 - <i>Seggi erettorari – Operazioni di votu</i>	Pag. 13
Arthricuru 12 - <i>Uffiziu centrari</i>	Pag. 14
Arthricuru 13 - <i>Noima di rinviu</i>	Pag. 14
Arthricuru 14 - <i>Intradda in vigori</i>	Pag. 14

*Arthicuru 1**Oggetto*

1. Chisthu reguramentu disciprina li modariddai di erezioni diretta di lu presidenti e di lu cunsigliu di la Municipariddai di la Nurra, in attuazioni di l'Arthicuru 17, comma 4, di lu Testhu unicu di li leggi sobbra l'ordhinamentu di l'enti lucari, approbaddu cun decretu legislativu 18 di aosthu di lu 2000 n.267, e di li noimi cuntinuddi i' l'Isthatuddu comunari.

*Arthicuru 2**Requisiddi pa' l'erettoraddu attibu e passibu*

1. So erettori di la Municipariddai di la Nurra l'ischritti i' li listhi erettorari, cumpiraddi sigundu la leggi, di li sezioni incrusi dugnuna i' lu territoriu soiu.
2. So ereggibiri a presidenti di la Municipariddai di la Nurra e a cunsiglieri di la matessi l'ischritti i' li listhi erettorari di una cassisia comuna di la Repubbriga Itariana.
3. Li candidaddi a la carrigga di Presidenti di la Municipariddai non poni assé candidaddi a la carrigga di Sindaggu o Cunsiglieri comunari i' la matessi consulthazioni.
4. L'althri causi di inereggibiriddai e di incompatibiriddai di li Cunsiglieri di la Municipariddai so isthabiriddi da la leggi; li causi di decadenzia so isthabiriddi da la leggi e da lu reguramento sobbra lu funzionamentu di la Municipariddai di la Nurra.

*Arthicuru 3**Sisthema erettorari*

1. Lu presidenti di la Municipariddai è eriggiddu a suffragiu unibessari e direttu a lu matessi tempu di l'erezioni, puru a suffragiu unibessari e direttu, di lu Cunsigliu di la Municipariddai, in un turnu erettorari unicu. Cu' la listha di candidaddi a lu Cunsigliu di la Municipariddai vo prisintaddu puru l'innommu e lu sanghinaddu di lu candidaddu a la carrigga di presidenti.
2. Dugna candidaddura a la carrigga di presidenti è collegadda a una listha di candidaddi a la carrigga di cunsiglieri di la Municipariddai, chi à un nummaru di candidaddi non superiori a lu nummaru di li cunsiglieri da eriggí e no inferiori a dezi.
3. I' li listhi di li candidaddi è assicuradda la rappresintanzia di tutt'e dui li sessi. I' li matessi listhi nisciunu di li dui sessi po assé rappresintaddu pa' più di li dui tezzi di li candidaddi, cun arrotondamentu a l'uniddai superiori si lu nummaru di li candidaddi di lu sessu più poggu rappresintaddu da puní i' la listha cuntene una cifra decimari inferiori a 50 centesimi.
4. È procamaddu eriggiddu presidenti lu candidaddu a la carrigga chi piglia più voti. In casu di pariddai di voti, è procamaddu presidenti lu candidaddu più mannu d'eddai. A pariddai d'eddai, la carrigga di presidenti è attribuidda pa' sorteggiu.
5. A dugna listha di candidaddi a la carrigga di cunsiglieri di la Municipariddai si cunsiderani attribuiddi tanti voti canti so li voti pigliaddi da lu candidaddu a la

carrigga di presidenti collegaddu a edda.

6. A la listha collegadda a lu candidaddu a la carrigga di presidenti chi à pigliaddu più voti o chi è isthaddu procamaddu eriggiddu sigundu lu di dui o lu di tre periodi di lu comma 4 di chisthu arthicuru so attribuiddi 9 seggi. L'althri 5 seggi so assignaddi in proporzioni fra l'althri listhi. Pa' chissu si dividi la cifra erettorari di dugna listha dabboi pa' 1, 2, 3, 4... finza a arribí a lu nummaru di li seggi da assignà e dunca voni sciubaraddi, tra li quozienti cussí uttinuddi, li più althi, in nummaru uguari a lu di li seggi da assignà, dippunendiri in una graduatoria da lu più mannu a lu più minori. Dugna listha utteni tanti seggi canti so li quozienti chi l'apparthenini incrusi i' la graduatoria. A pariddai di quozienti, i' li cifri intrei e decimari, lu posthu è attribuidu a la listha chi à uttinuddu la cifra elettorari più altha e, in casu di pariddai, pa' sorteggiu.

7. Drent'a dugna listha li candidaddi so procamaddi eriggiddi cunsiglieri di la Municipariddai sigundu l'ordhini da li cifri individuari di dugnunu, costituiddi da la cifra di listha immannitadda da li voti di preferenzia. A pariddai di cifra, so procamaddi ereggiddi li candidaddi chi venini primma i' l'ordhini di listha. Lu primu seggiu chi ippetta a dugna listha di minoranzia è attribuiddu a lu candidaddu a la carrigga di presidenti di la listha matessi.

8. La cifra erettorari di una listha è costituidda da lu tantu di li voti varidi chi à pigliaddu lu candidaddu presidenti collegaddu a edda in tutti canti li sezioni di la Municipariddai.

9. La cifra individuari di dugna candidaddu a cunsiglieri di la Municipariddai è costituidda da la cifra di listha immannitadda da li voti di preferenzia.

10. So ammissi a l'assegnazioni di li seggi tutti canti li listhi chena cunsiderà lu nummmaru o la percentuari di voti varidi uttinuddi.

11. Si è isthadda ammissa e vutadda una listha sora, so erigiddi tutti canti li candidaddi incrusi i' la listha e lu candidaddu a presidenti collegaddu, chena cunsiderà lu nummaru di li voti variddi uttinuddi, la percentuari di chisthi in cunfrontu a li votanti e la percentuari di li votanti in cunfrontu a l'ereettori ischritti i' li listhi elettorali di la Municipariddai.

12. Si mori un candidaddu a la carrigga di presidenti di la Municipariddai, dabboi di la prisintazioni di li candidadduri e primma di la dí fissadda pa' l'erezioni, l'erezioni voni rinviaddi cu' li modariddai isthabiriddi da l'Arthicuru 18, lu di tre, quattu e zincu commi di lu decretu di lu Presidenti di la Repubbrigga 16 maggiu 1960, n. 570, pimmittendi, in dugna modu, lu rinobu integrari di lu pruzzedimentu di prisintazioni di tutti canti li listhi e candidadduri a presidenti e a cunsiglieri di la Municipariddai.

13. Si l'erezioni di la Municipariddai non si poni fà pa' mancadda prisintazioni o ammissioni di candidadduri, i' lu territoriu di la Municipariddai la funzioni di gubennu e di indirizzu e controllu puritiggu – amministhratibu è esercitadda da lu Cunsigliu comunari, da la Giunta e da lu Sindaggu, cumenti orghani di gubennu di la Comuna, dugnunu sigundu li competenzi soi. Non ciamba la gisthioni amministhratiba, finanziaria e tennigga reratibamenti a li dirigenti sigundu l'Arthicuru 107 di lu D.lgs. 18 di aosthu di lu 2000, n. 267.

14. i' lu casu di lu comma di primma, l'erezioni chi vinarani di lu presidenti e di lu cunsigliu di la Municipariddai di la Nurra l'abarani a fa umpari a l'erezioni pa' lu rinobu di la carrigga di sindaggu e di lu cunsigliu comunari.

15. Li modariddai di votazioni e li pruzzedimenti erettorari so disciplinaddi da chisthu reguramentu.

Arthricuru 4

Ischeda di votazioni

1. L'ischeda pa' l'erezioni di lu presidenti di la Municipariddai è la matessi impiadda pa' l'erezioni di lu cunsigliu di la Municipariddai.

I' l'ischeda è indicaddu, affaccu a lu contrassegnu di listha, lu candidaddu a la carrigga di presidenti di la Municipariddai.

Sottu lu contrassegnu vi so dui rigghi, posthi pa' ipprimí unu o dui voti di preferenzia pa' un candidaddu e/o una candidadda a la carrigga di cunsiglieri/a di la Municipariddai chi apparthenini a la listha vutadda.

L'ordhini progressibu di li listhi è isthabiriddu cu' lu sorteggiu pribisthu da l'Arthricuru 10, comma 1, lettara n) di chisthu reguramentu.

2. L'ischeda di votazioni à li caratteristhigghi essenziari di lu modellu di la parthi in fòra deschrittu i' la tabella F alligadda a lu decretu di lu Ministeriu di l'Internu 24 di ginnaggiu di lu 2014 "Determinazioni di li modelli nobi di ischedi di votazioni pa' l'erezioni comunali", cunsidarendi ciambaddi li parauri "EREZIONI DI LU SINDAGGU E DI LU CUNSIGLIU COMUNARI DI" cu' li parauri "EREZIONI DI LU PRESIDENTI DI LA MUNICIPALIDDAI E DI LU CUNSIGLIU DI LA MUNICIPALIDDAI DI LA NURRA", e di lu modellu di la parthi in drentu deschrittu i' la tabella B alligadda a lu decretu funtumaddu primma di lu Ministeriu di l'Internu 24 di gennaggiu di lu 2014, cunsidarendi ciambaddi li parauri "CANDIDADDU A LA CARRIGGA DI SINDAGGU" cu' li parauri "CANDIDADDU A LA CARRIGGA DI PRESIDENTI DI LA MUNICIPALIDDAI DI LA NURRA".

Arthricuru 5

Modariddai di epressioni di lu votu - votu di preferenzia

1. L'erettori po ipprimí un votu varidu in unu di chisthi modi:

- a. marchendi un signari soru i' lu contrassegnu di la listha collegadda a lu candidaddu a la carrigga di presidenti di la Municipariddai. In chisthu casu, l'erettori ipprimi un votu varidu sia pa' lu candidaddu a la carrigga di presidenti di la Municipariddai sia pa' la listha prifiridda;
- b. marchendi un signari sia i' lu contrassegnu sciubaraddu sia i' lu nominatibu di un candidaddu a la carrigga di presidenti di la Municipariddai, collegaddu a la listha vutadda. In chisthu casu, lu votu si cunsidara varidu sia in favori di lu candidaddu a la carrigga di presidenti di la Municipariddai sia in favori di la listha collegadda a edda;
- c. marchendi un signari soru i' lu nominatibu di lu candidaddu a la carrigga di presidenti di la municipariddai, chena marchà nisciún contrassegnu di listha. In chisthu casu, lu votu si è cunsidaraddu varidu sia in favori di lu candidaddu sciubaraddu sia in favori di la listha collegadda a eddu.

2. No è ammissu lu votu siparaddu, è a dí ipprimí lu votu marchendi un signari i' lu nominatibu di un candidaddu a la carrigga di presidenti di la Municipariddai e un althru signari sobbra una listha non collegadda a lu

candidaddu sciubaraddu. In chisthu casu, l'ischeda è annulladda e nulli so li voti ippressi sia a lu candidaddu Presidenti che a la listha e li preferenzi a li candidaddi, si vi so.

3. Si l'erettori marcha un signari sobbra l'innommi di più di un candidaddu a Presidenti di la Municipariddai l'ischeda è annulladda.

4. Dugna erettori po ippimí, i' li rigghi appositi imprentaddi suttu lu matessi contrassegnu, unu o dui voti di preferenzia, ischribendi lu sanghinaddu di non più di dui candidaddi incrusi i' la listha collegadda a lu candidaddu a la carrigga di presidenti sciubaraddu. Si so ippressi dui preferenzi, debini riguardhà candidaddi di sessu dibessu di la matessi listha, pena l'annullamentu di la sigunda preferenzia.

5. So, in dugna modu, varidi li preferenzi ippressi nominativamenti in un ippaziu dibessu da chiddu occupaddu da li rigghi posthi suttu lu contrassegnu vutaddu, si so riferiddi a candidaddi di la listha vutadda.

6. So nulli li preferenzi undí lu candidaddu no è indicaddu in modu ciaru pa' pudellu distinghí da dugna althru candidaddu di la matessi listha.

7. Non so varidi li preferenzi pa' candidaddi incrusi in una listha dibessa da chidda vutadda.

8. È varidu lu votu ippressu pa' la listha e nullu lu votu ippressu pa' la preferenzia:

- a. si l'ischeda cuntene, a più di lu votu pa' una listha, un votu di preferenzia pa' candidaddu cunsiglieri di un'althra listha posthu i' lu riquadru di la listha vutadda ciaramenti da l'erettori;
- b. si l'ischeda cuntene, a più di lu votu pa' una listha, un votu di preferenzia pa' candidaddu cunsiglieri di un'althra listha posthu i' lu riquadru di la listha di apparthinenzia di lu cunsiglieri o di un'althra listha in dugna modu dibessa da chidda vutadda ciaramenti.

I' li casi indicaddi i' lu periodu di primma, a più di la listha varidamenti vutadda, si cunsidara varidamenti vutaddu finza lu candidaddu a la carrigga di presidenti di la Municipariddai, collegaddu cu' la matessi listha.

9. È varidu puru lu votu ippressu, marchendi lu signari di votu i' l'innommu, pa' un candidaddu a la carrigga di presidenti – e lu votu si isthendi a la listha a eddu collegadda - e nullu lu votu ippressu pa' la preferenzia:

- a. si l'ischeda cuntene, a più di lu votu pa' un candidaddu a la carrigga di presidenti, un votu di preferenzia pa' candidaddu cunsiglieri di una listha non collegadda a lu candidaddu presidenti vutaddu ciaramenti, posthu i' lu riquadru di la listha collegadda a lu presidenti matessi;
- b. si l'ischeda cuntene, a più di lu votu pa' un candidaddu a la carrigga di presidenti, un votu di preferenzia pa' candidaddu cunsiglieri di una listha non collegadda a lu candidaddu presidenti vutaddu ciaramenti, posthu i' lu riquadru di la listha di apparthinenzia di lu cunsiglieri o di althra listha in dugna modu dibessa da chidda collegadda a lu candidaddu a la carrigga di presidenti vutaddu ciaramenti.

10. Si l'erettori non vota un contrassegnu di listha ma ipprimi in modu currettu lu votu di preferenzia pa' un candidaddu e/o una candidadda a la carrigga di cunsiglieri/a di la Municipariddai, vo cunsidaraddu varidu puru lu votu daddu a la listha chi apparthenini li candidaddi funtumaddi primma. In chisthu casu, vo cunsidaraddu varidu lu votu finza a lu candidaddu a la carrigga di presidenti di la Municipariddai, collegaddu cu' la matessi listha.

11. Lu votu di preferenzia funtumaddu i' lu comma di primma vo cunsidaraddu varidu candu è posthu da l'erettori i' l'ippaziu collocaddu sott'a lu contrassegnu di la listha undi lu candidaddu/candidaddi vutaddu/vutaddi è/so incrusu/i. Lu votu di preferenzia non vo cunsidaraddu varidu candu è posthu da l'erettori fôra di l'ippaziu collocaddu sott'a lu contrassegnu di la listha undi lu candidaddu/candidaddi vutaddu/vutaddi è/so incrusu/i; in chisthu casu l'ischeda è nulla.

12. Si l'erettori à marchaddu più di un contrassegnu di listha, ma à ischrittu una o più' preferenzi pa' candidaddi/e apparthinenti a una soru di chisthi listhi, lu votu sarà attribuiddu a la listha, chi appartheninini li candidaddi indicaddi. In chisthu casu, vo cunsidaraddu varidu finza lu votu a lu candidaddu a la carrigga di presidenti di la Municipariddai, collegaddu cun chisth'ulthima listha.

13. Li preferenzi ippressi in ezzessu a l'innummaru isthabiriddu pa' la Municipariddai so nulli.

14. Lu votu, mancarri no ippressu i' li foimi pribisthi i li' commi di primma, vo cunsidaraddu varidu dugna voltha chi, da una parthi, sia ciara la vorontai di l'erettori e, da l'altra, pa' li modariddai d'eppressioni, non sia ricunniscibiri.

Arthicuru 6

Dipposizioni sobbra la duradda in carrigga e sobbra l'iscioglimentu di lu Cunsigliu di la Municipariddai

1. Lu Cunsigliu di la Municipariddai dura in carrigga pa' lu matessi periodu di chiddu di lu Cunsigliu comunari e finza a l'erezioni di lu Cunsigliu nobu di la Municipariddai limitendisi, dabboi di la pubbriggazioni di lu decretu di indizioni di li cumizi erettorari, a aduttà l'atti urgenti e improrogabiri.

2. In casu di iscioglimentu o zissazioni antizzipadda di lu Cunsigliu comunari pa' li causi pribisthi da la leggi lu Cunsigliu di la Municipariddai fazi li funzioni soi finza a l'erezioni di lu nobu, chi in dugna modu vo fatta umpari cu' l'erezioni di lu cunsigliu comunari.

3. Lu Cunsigliu di la Municipariddai è iscioltu in casu di dimissioni di lu Presidenti e in tutti l'althri casi pribisthi da lu Reguramentu sobbra lu funzionamentu di la Municipariddai, cu' li pruzziduri indicaddi i' lu reguramentu matessi.

Arthicuru 7

Noimi sobbra li candidadduri

1. Dugna listha di candidaddi a la carrigga di cunsiglieri di la Municipariddai po abé un nummaru di candidaddi non superiori a lu nummaru di li cunsiglieri da eriggi e no inferiori a dezi.

2. Dugna listha di li candidaddi vo sottischritta da a lu mancu trenta e non più di sessanta zittadini ischritti i' li listhi erettorari di la Municipariddai.

3. Dugna erettori non po sottuschribi più di una dichiarazioni di prisintazioni di listha.

4. Non vi vo nisciuna sottischnizioni pa' li listhi marchaddi cu' la denominazioni e lu simburu di un parthiddu o di un gruppu puritiggu rappresintaddu i' l'ulthimu Cunsigliu comunari in carrigga.

5. Non vi vo nisciuna sottischnizioni mancu pa' li listhi marchaddi cu' la denominazioni e lu simboru di un parthiddu o di un gruppu puritiggu chi, i' la matessi consulthazioni erettorari, presenta una listha di candidaddi riguraimenti sottischnita e riguraimenti ammissa pa' l'erezioni di lu cunsigliu comunari.

6. I' li casi funtumaddi i' li commi 4 e 5, i' l'attu di prisintazioni di la dichiarazioni di prisintazioni di un candidaddu a la carrigga di presidenti e di una listha di candidaddi a la carrigga di cunsiglieri di la Municipariddai, vo alligadda una dichiarazioni chi attestha chi la listha è prisintadda a innommu e a contu di lu parthiddu o gruppu puritiggu di apparthinenzia. Chistha dichiarazioni vo sottischnita da lu presidenti o da lu segretariu di lu parthiddu o gruppu puritiggu o da lu presidenti o segretariu regionari o prubinzari di lu parthiddu o gruppu puritiggu matessi, chi sia cumprubaddu pa' attesthazioni di lu presidenti o segretariu nazionari di apparthinenzia o da rappresintanti pa' chissu incarrigghaddu da eddi cun mandaddu autenticaddu da un notaiu.

Arthicurù 8

Documenti nezzessari pa' la prisintazioni di li candidadduri

1. Li documenti nezzessari pa' la prisintazioni di una candidaddura a Presidenti di la Municipariddai e di una listha di candidaddi a l'erezioni di lu Cunsigliu di la Municipariddai so:

- a. la dichiarazioni di prisintazioni di una candidaddura a Presidenti di la Municipariddai e di una listha di candidaddi a l'erezioni di lu Cunsigliu di la Municipariddai.

La fimma da parthi di l'erettori di la dichiarazioni di prisintazioni di un candidaddu a la carrigga di presidenti e di una listha di candidaddi a la carrigga di cunsiglieri di la Municipariddai vo postha in moduri appositi chi ani lu contrassegnu di listha, l'innommu, sanghinaddu, loggu e data di nascidda di dugnunu di li candidaddi, e l'innommu, sanghinaddu, loggu e data di nascidda di dugnunu di li sottischnitori.

La fimma di dugna sottischnitori vo autenticadda da unu di li soggetti indicaddi ciaramenti i' l'Arthicurù 14 di la leggi 21 di mazzu di lu 1990 n. 53. L'autenticazioni vo isthirrida cu' li modariddai isthabiriddi da l'Arthicurù 21, comma 2, di lu D.P.R. 28 di naddari di lu 2000, n. 445. Vo appricaddu l'arthicurù 14 comma 3 di la leggi funtumadda di lu 21 di mazzu di lu 1990 n. 53. Cu' la listha vo prisintaddu finza l'innommu e sanghinaddu di lu candidaddu a la carrigga di Presidenti e lu programma amministhratibu funtumaddu i' la lettara h) di chisthu arthicurù.

Li candidaddi cunsiglieri incusi i' la listha voni marchaddi cun un nummaru d'ordhini progressibu.

Di tutti canti li candidaddi, sia a la carrigga di Presidenti sia a la di cunsiglieri, incusi i' la listha, vo indicaddu lu sanghinaddu, l'innommu, lu loggu e la data di nascidda.

I' li casi funtumaddi i' li commi 4 e 5 di l'arthicuru 7 di chisthu reguramentu, la dichiarazioni di prisintazioni di un candidaddu a la carrigga di presidenti e di una listha di candidaddi a la carrigga di cunsiglieri di la Municipariddai è fimmaddu da lu presidenti o da lu segretariu di lu parthiddu o gruppu puritiggu o da lu presidenti o segretariu regionari o prubinziali di lu parthiddu o gruppu puritiggu matessi, cumprubaddu pa' attesthazioni di lu presidenti o segretariu naziunari d'apparthinenzia o da rapprisintanti pa' chissu da eddi incarriggaddi cun mandaddu autenticaddu da lu notaiu. I' la dichiarazioni di prisintazioni è indicaddu chi la listha è marchadda cu' la denominazioni e lu simburu di un parthiddu o di un gruppu puritiggu rapprisintaddu i' l'ulthimu Cunsigliu comunari in carrigga o chi i' la matessi consulthazioni erettorari presenta una listha di candidaddi reguraimenti sottuscritta e reguraimenti ammissa pa' l'erezioni di lu cunsigliu comunari.

- b. Cun riferimentu a la previsioni di l'arthicuru 7, comma 2, di chisthu reguramentu, li zerthifiggaddi chi cumpobani l'ischrizioni di li prisintadori i' li listhi erettorari di li sezioni incrusi i' lu territoriu di la Municipariddai;
 - c. La dichiarazioni di azzittazioni di la candidaddura a la carrigga di Presidenti di la Municipariddai, fimmadda e autenticadda, chi cunteni finza la dichiarazioni sostitutiba fatta sigundu l'arthicuru 46 di lu D.P.R. 28 di naddari di lu 2000, n. 445 chi attestha l'insussisthenzia di la situazioni di incandidabiriddai a noima di l'arthicuri 10 e 12 del D. Lgs. 31 di naddari di lu 2012, n. 235;
 - d. Li dichiarazioni di azzittazioni di la candidaddura a la carrigga di Cunsiglieri di la Municipariddai, fimmaddi e autenticaddi, chi cuntenini finza li dichiarazioni sostitutibi fatti sigundu l'arthicuru 46 di lu D.P.R. 28 di naddari di lu 2000, n. 445 chi attesthani l'insussisthenzia di la situazioni di incandidabiriddai di dugna candidaddu consiglieri a noima di l'ararticoli 10 e 12 del D.Lgs. 31 di naddari di lu 2012, n. 235;
 - e. Li zerthifiggaaddi chi attesthani chi il candidaddu a la carrigga di Presidenti di la Municipariddai e li candidaddi a la carrigga di cunsiglieri di la Municipariddai so ischritti i' li listhi erettorari di una cassisia Comuna di la Repubbrigga;
 - f. i' li casi funtumaddi i' l'arthicuru 7, commi 4 e 5 di chisthu reguramentu, la dichiarazioni, pribistha i' lu comma 6 si lu matessi arthicuru 7, chi attestha che la listha è prisintadda a innommu e a contu di lu parthiddu o gruppu puritiggu matessi;
 - g. lu modellu di lu contrassegnu di listha, finza figuraddu, in tre esemprari;
 - h. lu programma amministhratibu da appicà a l'albo pretoriu online;
2. I' la dichiarazioni di prisintazioni di una candidaddura a presidenti di la Municipariddai e di una listha di candidaddi a l'erezioni di lu Cunsigliu di la Municipariddai po assé cuntinudda l'indicazioni di dui deregaddi chi poni assisthi a l'operazioni di sorteggiu di lu nummmaru progressibu da assignà a li candidaddi a la carrigga di presidenti ammissi e chi ani la faculthai di sciubarà li rapprisintanti di la listha in dugna seggiu erettorari e i' l'uffiziu centrari.
3. La fimma di dugna deregaddu vo autenticadda da unu di li soggetti indicaddi ciaramenti i l'arthicuru 14 di la leggi 21 di mazzu di lu 1990 n. 53.

L'autenticazioni vo isthirrida cu' li modariddai isthabiriddi da l'arthicuru 21, comma 2, di lu D.P.R. 28 di naddari di lu 2000, n. 445.

4. L'indicazioni di li dui deregaddi funtumaddi i' lu comma dui di chisthu arthicuru rappresenta, pa' li prisintadori di la candidaddura a presidenti di la Municipariddai e di la listha collegadda, un obbrigu, chi si no è rippitaddu causa, da parthi di prisintadori matessi, l'impossibiriddai di assisthí a l'operazioni di sorteggiu di li candidaddi a la carrigga di presidenti di la Municipariddai, di indicà li rappresintanti di la listha e di fà li compiti demandaddi a li deregaddi di l'arthicuru 10, commi 1 lettara o) e 3 e 4 di chisthu reguramentu.

Arthicuru 9

Prisintazioni candidadduri e documentazioni reratiba

1. La prisintazioni di li candidadduri vo fatta a la Segreteria generari di la Comuna cu' li matessi modariddai e drent'a l'ischadenzia pribistha pa' la prisintazioni di li candidadduri a lu Cunsigliu comunali.
2. Lu Segretariu generari o lu chi suppri legaimenti lassa una rizzibudda dettagliadda di l'atti prisintaddi, indichendi la dí e l'ora di la prisintazioni e pruvvedi a intregalli, drent'a la matessi dí, a la Cummissioni erettorari circondariari.

Arthicuru 10

Cumprobi di regurariddai e inammissibiriddai

1. La Cummissioni erettorari circondariari, drent'a la dí infattu a chidda isthabiridda pa' la prisintazioni di li listhi:
 - a. controlla, sigundu l'attestazioni di lu segretariu comunali o di ca suppri legalmenti, lu rippettu di l'ischadenzia di prisintazioni di dugna listha cu' la candidaddura reratiba a la carrigga di Presidenti. Si è cumprubaddu chi la listha l'ani prisintadda passadda l'ischadenzia, la ricusa;
 - b. pa' li listhi chi non so esoneraddi da l'obbrigu di accuglí li sottischrizioni, sigundu la documentazioni in pussessu soiu, cumproba chi lu nummaru di li prisintadori sia chiddu preschrittu e li fimmi siani isthaddi posthi i' li moduri preschritti da l'arthicuru 8, comma 1, lettara a), sigundu periodu di chisthu reguramentu.

Pa' chissu, la commissioni pruzzedi:

- a cumprubà chi la fimma di l'erettori sia isthadda postha in moduri chi ani lu contrassegnu di listha, l'innommu, sanghinaddu, loggu e data di nascidda di li candidaddi sia a la carrigga di Presidenti che di consiglieri di la Municipariddai, e l'innommu, sanghinaddu, loggu e data di nascidda di li sottischritturi;
- a cuntà li fimmi cuntinuddi i' la dichiarazioni di prisintazioni di la listha e i' l'althri atti chi poni assé alligaddi, e a numarà, si vi so, li dichiarazioni di erettori anafabeti o cun impedimentu fisiggu;
- a cumprubà si li fimmi funtumaddi primma siani reguraimenti autenticaddi e si lu pussessu di lu requisiddu di erettori di la Municipariddai, da parthi di li sottischritturi, sia documentaddu pa' mezu di li zerthifiggaddi erettorari di eddi matessi.

La cummissioni debi ricusà li listhi chi li fimmi non so isthaddi posthi i' li moduri preschritti e cu' li dati dumandaddi.

La cummissioni, in più, debi canzillà li sottiscriptori chi la fima no è isthadda autenticadda, li chi lu requisiddu di erettori di la Municipariddai non risultha documentaddu e li chi ani sottiscriptu la dichiarazioni di prisintazioni di un'altra listha depositadda primma.

Si, dabboi di chisthi cumprobi, lu nummaru di li prisintadori chi ani dimusthraddu la cariddai di erettori e chi li fimmi so isthaddi reguramenti autenticaddi è inferiori a chiddu preschrittu o è più althu di lu massimu peimissu da la leggi, la listha vo ricasadda.

- c. ricusa li listhi chi non cuntenini l'indicazioni di lu candidaddu a la carrigga di presidenti e ischrudi lu candidaddu a la carrigga di presidenti di la Municipariddai chi si presenta non collegaddu a nisciuna listha;
- d. ischrudi da la candidaddura lu candidaddu a la carrigga di Presidenti di la Municipariddai già candidaddu a la carrigga di Sindaggu e Cunsiglieri comunari i' la matessi consulthazioni, sigundu lu chi è pribisthu i' l'arthicuru 2, comma 3 di chisthu reguramentu;
- e. pa' li listhi chi so esoneraddi da l'obbrigu di accugli li sottischrizioni sigundu li commi 4 e 5 di l'art. 7 di chisthu reguramentu, pruvvedi a cumbrubà, sigundu la documentazioni in pussessu soiu, chi la listha aggia dirittu a l'esoneru, cumprubendi chi siani prisintaddi e aggiani tutti canti l'erementi pribisthi da li dipposizioni reratibi dettaddi da chisthu reguramentu, la dichiarazioni pribistha da l'arthicuru 7 comma 6 e chidda pribistha da l'arthicuru 8, comma 1, lettara a) ulthimu periodu di chisthu reguramentu e, si la cumproba à esitu negatibu, ricusa la listha;
- f. controlla chi dugna listha, a più di lu candidaddu a la carrigga di Presidenti, aggia un nummaru di candidaddi di a lu mancu dezi. La listha vo ricasadda si lu nummaru di candidaddi incrusi i' la listha matessi inferiori a lu limiti sobbra indicaddu. Si, invece, la listha cunteni un nummaru di candidaddi superiori a lu massimu peimissu, la cummissioni l'abarà a imminurità finza a chisthu limiti, canzillendi l'ulthimi nminatibi, in modu di assigurà lu rippettu di la previsionu cuntinudda i' l'arthicuru 3 comma 3 di chisthu reguramentu;
- g. cun riferimentu a lu chi dipponi lu decretu legislativu 31 di naddari di lu 2012, n. 235 e sigundu li dichiarazioni sustitutibi chi attesthani l'insussisthenzia di la cundizioni di incandidabbiriddai chi dugna candidaddu a la carrigga di Presidenti e di cunsiglieri è obbrigaddu a intregà a noima di l'arthicuru 10, comma 1 di lu decretu funtumaddu a pena di canzillanni la listha, e d'uffiziu, controlla si vi so situazioni di incandidabiriddai e pa' chissu fazi chisthi operazioni:
 - cumproba li dichiarazioni sostitutibi preschritti chi attesthani, pa' dugna candidaddu, l'insussisthenzia di nisciuna cundizioni di incandidabiriddai;
 - si attiba, candu è pussibiri, pa' cumprubà d'uffiziu la cundizioni di incandidabiriddai finza sigundu atti o documenti chi la Cummissioni matessi è intradda in dugna modu in possessu e chi cumprobani la cundizioni di limitazioni di lu dirittu di erettoraddu passibu di li candidaddi;

Dunca, si la dichiarazioni d'incandidabiriddai no è isthadda intregadda o non risultha cumpreta né cunfoimi a tutti li previsionu di l'Arthicuru 10, comma 1

di lu decretu legislativu n. 235 di lu 2012, o sia deteiminadda d'uffiziu l'esistenza di una situazione di incandidabilità, la Commissione cancella da la lista li nominati di li candidati chi so i' la situazione funtumadda. Si la fattippezia funtumadda i' lu periodu di prima si reariza cun riferimentu a lu candidadu a la carica di presidenti di la municipalità, la Commissione l'istrui da la candidadura.

Si l'incandidabilità si manifestha o è cumprubada dabboi di ischaduddi li termini di concorsi di l'operazioni di ammissioni di li candidaturi, la Commissione elettorale manda la comunicazioni a l'Uffiziu centrali, chi non debi programà eriggi di li candidati chi è isthadda cumprubada la situazione di incandidabilità, ma debi pruzzidì a la dichiarazioni di programazioni mancada pa' l'incandidabili.

- h. cancella da li listi l'innomi di li candidati chi no è isthaddu presentadu lu zerthifiggadu di iscrizioni i' li listi elettorali di una cassisia comuna di la Repubblica.

Si la fattippezia funtumadda i' lu periodu di prima si reariza cun riferimentu a lu candidadu a la carica di presidenti di la Municipalità, la Commissione l'istrui da la candidadura.

- i. cancella da li listi l'innomi di li candidati chi no è isthadda presentada la dichiarazioni prescritta di attestazioni di la candidadura, firmada da l'interessadu e reguramenti autenticada.

Si la fattippezia funtumadda i' lu periodu di prima si reariza cun riferimentu a lu candidadu a la carica di presidenti di la Municipalità, la Commissione l'istrui da la candidadura.

- j. cancella da la lista l'innomi di li candidati già inclusi in altri listi presentati prima;

- k. ricusa la lista si pa' effetto di li cancellazioni funtumaddi i' li numeri di prima chistha si riduci suttu a lu numeru minimu prescrittu di candidati;

- l. cumproba chi i' li listi di li candidati sia rippittada la previsioni cuntinudda l'artichu 3, comma 3, di chisthu reguramentu. In casu contrariu, riduci la lista cancellendi l'innomu di li candidati chi apparteni a lu genere rappresentadu pa' più di li dui terzi di li candidati, pruzzidendi in chisthu casu da l'ultimu di la lista. La riduzione di la lista non po, in dugna modu, deteminà un numeru di candidati inferiori a lu minimo prescrittu pa' l'ammissioni di la lista matessi;

- m. ricusa:

- li contrassegni di lista chi siani prizzisi o chi si poni fazzimmenti cunfundì cun chiddi presentati prima o con chiddi cunnisciddi pa' assé impriadi da altri partiti o raggruppamenti puritigghi;
- li contrassegni chi riproduzini simboli o elementi distintivi di simboli impriadi tradizionalmente da partiti presenti in Parlamentu, si presentati da passoni no autorizadi (artichu 2 di lu D.P.R. 28 di abbriri di lu 1993, n. 132);

- li contrassegni chi riproduzini immagini o soggetti di natura rerigiosa o simburi rappresentatibi di la comuna;
- li contrassegni indí vi so eppressioni, immagini o raffigurazioni chi fazini riferimentu a ideorogii autoritarii (pa' dí, li parauri "fascismo", "nazismo", "nazionalsocialismo" e simiri), pa' chissu vietaddi sigundu la XII dipposizione transitoria e finari, primmu comma, di la Costhitudzioni e da la leggi 20 di lampadda di lu 1952, n. 645, e modifigghi sighenti;
- li contrassegni chi impreani denominazioni e/o simburi o marchi di sozzieddai (finza di fubba) chena autorizazioni apposita a l'usu da parthi di chidda sozzieddai, autenticadda da unu di li soggetti funtumaddi i' l'Arthicuru 14, comma 1, di la leggi n. 53/1990.

La cummissioni comuniggheggia a l'interessaddi candu à ricusaddu un contrassegnu.

In chisthu casu poni un limiti di non più di quarantottu ori pa' la prisintazioni di un contrassegnu nobu.

Ischaduddu chisthu limiti, la Cummissioni pruzzedi a la cumproba e sosthitudzioni di li contrassegni ricusaddi.

Si lu contrassegnu nobu no è prisintaddu o si non rippondi a li cundizioni pribisthi i' lu primmu periodu di chistha lettara, la Cummissioni ricusa la listha.

- n. assegna un nummaru progressibu a dugna candidaddu a la carrigga di Presidenti ammissu, pa' mezu di sorteggiu da fà in prisenzia di li deregaddi di listha, cunvoccaddi appostha;
 - o. comuniggheggia a li deregaddi di listha li dezzisioni di ricusazioni di listha o di eschrusioni di candidaddu.
2. L'eschrusioni di la candidaddura a la carrigga di presidenti di la Municipariddai causa la ricusazioni di la listha chi collegadda a eddu. La ricusazioni di una listha causa l'eschrusioni di lu candidaddu a la carrigga di presidenti di la municipariddai collegaddu a edda.
 3. Lu deregaddu di dugna listha po piglià cunniscenzia, drent'a li matessi limiti pribisthi da lu comma 1 di chisthu arthicuru e in dugna modu subiddu dabboi di l'esame funtumaddu i' lu matessi comma, di li contesthazioni fatti da la Cummissioni e di li modifigghi chi la Cummissioni matessi à fattu a la listha.
 4. La Cummissioni, drent'a la di vintisei dí primma di la data di la votazioni, s'attoppa pa' dà udienza, si v'è bisognu, a li deregaddi di li listhi cuntesthaddi o modifiggaddi, ammitti documenti nobi e diribarà sobbra li modifigghi fatti.

Arthicuru 11

Seggi erettoriali – Operazioni di votu

1. Li seggi erettoriali pa' l'erezioni diretta di lu Presidenti e di lu Cunsigliu di la Municipariddai di la Nurra so li matessi isthitudi pa' l'erezioni diretta di lu Sindaggu e di lu Cunsigliu comunari.

2. A li Presidenti di li seggi erettorari è fruniddu l'erencu di li chi ani dirittu a lu votu pa' l'erezioni diretta di lu Presidenti e di lu Cunsigliu di la Municipariddai di la Nurra e isthruzioni ippezzi figghi pa' fà l'erezioni matessi.

3. L'operazioni di votu si fazini i' li matessi orari pribisthi pa' l'erezioni di lu Sindaggu e di lu Cunsigliu comunari.

4. L'operazioni di ischrutiniu so fatti a la fini di chiddi pa' l'erezioni prubinziari e comunari e, di noima, da l'8,00 di lu marthi dabboi di la dí di li votazioni. Si l'operazioni di ischrutiniu di li consulthazioni funtumaddi primma pensani chi so finendi troppu tardhu, lu Sindaggu o lu Presidenti di lu seggi erettorari poni dizzidí l'ischumenzu di l'ischrutiniu di l'erezioni di la Municipariddai da li 14,00 di lu marthi dabboi di la dí di li votazioni e in dugna modu a la fini di l'operazioni di ischrutiniu pa' l'erezioni di lu Sindaggu e di lu Cunsigliu comunari.

Arthicuru 12

Uffiziu centrari

1. l'Uffiziu centrari, costituiddu sigundu l'arthicuru 71 di lu D.P.R. 16 di maggiu di lu 1960 n. 570, pruvvedi a l'operazioni pa' la procamazioni di lu presidenti di la Municipariddai, pa' l'assignazioni di li seggi e la procamazioni di li consiglieri di la Municipariddai eriggiddi, sigundu li noimi dettaddi da la leggi, da l'isthatuddu comunari e da chisthu reguramentu.

2. l'Uffiziu centrari è insediaddu i' la sedi di la sezioni di la Municipariddai di la Nurra contrassignada cu' lu nummaru più bassu.

Arthicuru 13

Noima di rinviu

1. Pa' lu chi no è pribisthu i' l'isthatuddu comunari e in chisthu reguramentu, voni appricaddi li noimi pa' l'erezioni di lu Sindaggu e di lu Cunsigliu comunari i' li comuni cun popurazioni finza a 15.000 abitanti.

Arthicuru 14

Intradda in vigori

1. Chisthu reguramentu entra in vigori a' lu matessi tempu di l'erezioni chi vinarà di lu Sindaggu e di lu Cunsigliu comunari.